

मिन्दर री खिड़की तू तो खोल मीराबाई,
मिन्दर री खिड़की तू तों खोल,
राणो आयो है दर्शन करवाने ओ जी,
अरे राणो आयो है दर्शन करवाने ओ जी ॥

अरे नही है नुगरा रो अटे काम राणा,
नही है नुगरा रो अटे काम,
नुगरा मिनका ने दर्शन कोनी मिले ओ जी,
अरे नुगरा मिनका ने दर्शन कोनी मिले ओ जी ॥

अरे कुण तो धरीया है माथे हाथ,
मीराबाई कुण तो धरीया है माथे हाथ,
किनरा थे कंठी डोरा बांधीया ओ जी,
अरे किनरा थे कंठी डोरा बांधीया ओ जी ॥

अरे रविदास धरीया माथे हाथ राणा,
रविदास धरीया माथे हाथ,
डोरा कंठी वेतो बांधीया ओ जी,
अरे कंठी डोरा वेतो बांधीया ओ जी ॥

अरे ओची है जमारा वाली जात मीराबाई,
ओची है जमारा वाली जात,
मुआ ढोरो रा काटे चामडा ओ जी,

अरे मुआ ढोरो रा काटे चामडा ओ जी ॥

अरे कोनी मारे ऊंच नीच रो काम राणा,
कोनी मारे जात पात रो काम,
बोना देखेने गुरूसा कर दिया ओ जी,
अरे बोना देखेने गुरूसा कर दिया ओ जी ॥

अरे नेनी रे थकी मे भजीया राम मीराबाई,
नेनी थकी मे भजीया राम,
थोडो परचो माने बतावनो ओ जी,
अरे थोडो परचो तो माने बतावनो ओ जी ॥

अरे छोटी उमर मे भजीया श्याम,
मीराबाई छोटी उमर मे भजीया श्याम,
थोडो रामय्या ने हेलो मार जो ओ जी,
अरे थोडो रामय्या ने हेलो मार जो ओ जी ॥

आतो लेली लेली कंठी माला हाथ मीराबाई,
लेली लेली कंठी माला हाथ,
अरे हवले सावरिया ने हेलो मारीयो ओ जी,
अरे हवले अरे ने हेलो मारीयो ओ जी ॥

ओ हो धडा धड इन्द्र गाजे रेण राणा,
धडा धड इन्द्र गाजे रेण,
मेवुडो बरसे रे मुसलाधार मे ओ जी,
अरे मेवुडो बरसे रे मुसलाधार मे ओ जी ॥

अरे कोनी भगती कायर वालो काम राणा,
कोनी भगती कायर वालो काम,
शूरा पूरा री भगती खेलनी ओ जी,
अरे शूरा पूरा री भगती खेलनी ओ जी ॥

मिन्दर री खिड़की तू तो खोल मीराबाई,
मिन्दर री खिड़की तू तों खोल,
राणो आयो है दर्शन करवाने ओ जी,
अरे राणो आयो है दर्शन करवाने ओ जी ॥

गायक प्रकाश माली जी ।
प्रेषक मनीष सीरवी
9640557818

Source:

<https://www.bharattemples.com/mindar-ri-khidaki-tu-to-khol-meerabai-bhajan/>



Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZjyhKzSUD-Lt9Tw>